

Scosteus is tendinas
chi s'hat fattu su ragnu,
is tendinas de seda:
custa 1103 buttega
cun portas e vetrinas.
Ca su passeru càntat
cun s'amanti in su niu,
ca è troppu nodiu
custu bellu mengianu.

I eccu una farfalla
cun is alas de oru,
dda bidì una pippia,
tèndit sa manu lesta,
sussùltad' in su coru.
Ma sa farfalla de oru,
est un'essiri in festa:
un colori chi dantzada
in celu 'è primavera.

(Biancospino)-

- S A F A R F A L L A -

-----ooo(O)ooo-----

Aici bella e modesta,
cun is alas de oru ,
sa pippia dda bblidi.

Tèndit sa manu lesta,
timidamenti avànzada,
sussèltad'in su coru.
Ma sa farfalla de oru,
est un'esseri in festa:
un colori di dànzada
in celu'è primavera.

(Biancospino)

Sa rëndili chizzana
cântat in sa fentana:
-Bella di!belle di! bella di!-

Però, su cruculeu
rispòndit: "deu...deu...
non ci creu! Podit essi! podit essi! "

Sa perdixi de gabbia
nàrat inas cun rabbia:
-Ca gii! ca gii! ca gii!-

E su passirilenti (1)
rispòndit in s'istanti:
-No ddu bisi? no ddu bisi? no ddu bisi?-

Su ghiri nâ' a mei
ca tufu su cafei:
-Una cicarra...una cicarra...una cicarra ...-

Ma ñu cabon'è arrazza
ddi rispòndit de prazza:
-Cuccuruchè ? Nci seu ñeu!!-

(1) Usignolo-

(Biancoppino)

+EPIGRAMMAS+

----- (OoO) -----

-A UNU PASTORI-

Depiast'essi un santu, lontan~~da~~sa genti,
custodend' in campu su greggi cun zelu:
Gesù Cristu puru si naràt "pastori".
Però furas troppu, e pregas su Signori
chi un'atteru ladru portit a su Xelu.

-A UN CALZOLAIU-

Ge' dd'has imparada cust'arti, Arremundu,
giuru ca no nd'has a morri nomenau:
ca m'has fattu un pei longu e unu tundu...
chi mi pongiu a curri, atturu trobeddau.

-PO UNU CUADDU-

Che i su cuaddu de Pepp'Antiogu,
ni mai in su mundu ndi tòrrat a nasci:
ca non pòrtat dentis, solamenti un'ogu,
e ndi tòrrat mortu cand'andada a pasci.

-PO UNU PRIOGOSU-

Su priogu pintat sa conca è Antoni
de tanti coloris, cun bellus iscraxius;
ca ndi ddu hat murrus, biancus e braxius,
a conc'arziada comente isturrus,
ca ndi ddu hat braxius, biancus e murrus,
ddo i nd'hat po fina a corra furriada.

(Biancospino)